

Ibsa Suuratu Al-Mursalaat-Kutaa Dhumaa

Description

Kutaa darbee keessatti wanta Guyyaa Murtii taasifamu muraasa isaa ilaalle turre. Harâ€™as itti fufuun kutaa xumuraa suuratu Al-Mursalaat ni ilaalla.

﴿هَذَا يَوْمٌ لَا يَنْطِقُونَ ﴿٣٥﴾ وَلَا يُؤْذَنُ لَهُمْ فَيَعْتَذِرُونَ ﴿٣٦﴾ وَيُلِّ
يَوْمَئِذٍ لِلْمُكَذِّبِينَ ﴿٣٧﴾ هَذَا يَوْمُ الْفَصْلِ جَمَعْنَاكُمْ وَالْأَوَّلِينَ ﴿٣٨﴾
فَإِنْ كَانَ لَكُمْ كَيْدٌ فَكِدُونِ ﴿٣٩﴾ وَيُلِّ يَوْمَئِذٍ لِلْمُكَذِّبِينَ ﴿٤٠﴾﴾

â€œ(35)-Kuni Guyyaa isaan hin dubbanneedha. (36)-Uzrii akka himatan isaaniif hin hayyamamu. (37)-Guyyaa san kijibsiiftotaaf ee badii isaanii! (38)-Kuni Guyyaa addaan bahiinsaati; isinii fi warra duraanii walitti qabne. (39)-Yoo tooftaa wayii qabaattan, tooftaa Natti baafadhaa. (40)-Guyyaa san kijibsiiftotaaf ee badii isaanii!â€• Suuratu Al-Mursalaat 77:35-40

â€œKuni Guyyaa isaan hin dubbanneedha.â€• Kana jechuun Guyyaan Qiyaamaa kuni Guyyaa guddaa kaafiroota irratti cimaa taâ€™me kan isaan hin dubbanneedha.[1] Uzriis akka himatan isaaniif hin hayyamamu. Uzrii himachuu jechuun akka dhiifamni namaaf godhamuu fi hin adabamneef sababa, rakkoo fi ragaa dhiyeefachuudha. Guyyaa Qiyaamaa namoonni Rabbiitti, Ergamtootatti fi Guyyaa Qiyaamaatti hin amanne, sababa, rakkoo fi ragaa dhiyeefachu hin dandaâ€™TMan. Osoo sababa, rakkoo fi ragaa dhiyeefataniyyuu, isaan irraa hin fuudhamu. â€œYaa Rabbii sababa kanaaf amanu dadhabne, rakkoo akkanaatiif hojii gaggaarii hojjachuu dadhabne, yaa Rabbii dhiifama nuuf godhiâ€• yoo jedhan, kuni isaan irraa hin fuudhamu.

â€œKuni Guyyaa isaan hin dubbanneedhaâ€• yommuu jedhu Guyyaa Qiyaamaa guutumaan guututti hin dubbatan jechuu miti. Dhugumatti, Guyyaan Qiyaamaa iddoo fi waqtii qaba. Kuni waqtii isaan hin dubbannee fi uzrii akka himatan isaaniif hin hayyamamneedha.[2]

Guyyaan kuni Guyyaa cimaa rakkoo fi sababaa osoo dhiyeefatanii namarraa hin fuudhamneedha. Kanaafu, namoota Qiyaamatti amanuu diduun badii hojjachuu itti fufan, tarii akeekachiisni kuni isaan dammaqsu dandaâ€™TMa â€œGuyyaa san kijibsiiftotaaf ee badii isaanii!â€• Kana jechuun warra Guyyaa Qiyaamaa kana soba akka taâ€™TMetti ilaalaniif Guyyaa san badii fi adabbii cimaatu jira.

â€œKuni Guyyaa addaan bahiinsaati;â€• kana jechuun Guyyaa Qiyaamaa, â€œKuni Guyyaa Rabbiin uumamtoota jidduutti murteessudha.â€• Jedhama. Guyyaan Qiyaamaa Guyyaa addaan bahiinsaa kan

jedhameef, Rabbiin uumamtoota jidduutti murteessun warri Jannataa fi warra Jahannam addaan baafamu. **â€œisinii fi warra duraanii walitti qabne.â€•** Addunyaa keessatti â€œGuyyaa Qiyaamaa isinii fi namoota darban hunda walitti ni qabnaâ€• jennee waadaa galaa turre. Kunoo harâ€™TMa isinii fi warra darban walitti sassaabne. Kanaafu, harâ€™TMa â€œ**Yoo tooftaa wayii qabaattan, tooftaa Natti baafadhaa.â€•** Kana jechuun adabbii irraa tooftaa ittiin baatan yoo qabaattan, tooftaa baafadhaa. Qabaa Rabbii irraa of baraaraa.[\[3\]](#)

Guyyaa kana tooftaa fi malli isaanii ni bada, shirri isaanii ni dhabama. Azaaba (adabbii) Rabbiitiif harka kennu. Wanta isaan kijibsiisan isaanii ifa godha. Amma dubbiin kan duraa caala. Duratti dubbachuu fi uzrii himachuu irraa ni dhoowwaman. Amma immoo murtiin isaan jidduutti waan murtaaâ€™TMuf adabbii jalaa bahuu hin dandaâ€™TMan. Kanaafu, nama Guyyaa Qiyaamaa tooftaa fedhe osoo baase adabbii jala bahuu kan hin dandeenye taâ€™TMee osoo jiru Guyyaa Guddaa kana akka sobaatti ilaaluf, akeekachisni taâ€™TMuu, â€œ**Guyyaa san kijibsiiftotaaf ee badii isaanii!â€•**

Kuni adabbii nama Guyyaa Qiyaamaa kijibsiisee osoo hin tawbatin duâ€™TMeefi. Garuu duâ€™TMaan dura tawbachuun, amanuu fi hojii gaggaarii hojjachuun yoo of dhaqqabe, adabbi kana jalaa ni baha. Muttaqoota keessaa taâ€™TMuun Guyyaa san mindaa guddaa argata. Mee amma mindaa warra Guyyaa kanatti amananii hojii gaggaarii hojjachuu fi hojii badaa irraa fagaachuun of qopheessan haa ilaallu:


﴿إِنَّ الْمُتَّقِينَ فِي ظِلِّ وَعُيُونٍ﴾ ﴿٤١﴾ ﴿وَفَوَكِهَ مِمَّا يَشْتَهُونَ﴾ ﴿٤٢﴾ ﴿كُلُوا وَاشْرَبُوا﴾
﴿هَنِيئًا بِمَا كُنْتُمْ تَعْمَلُونَ﴾ ﴿٤٣﴾ ﴿إِنَّا كَذَلِكَ نَجْزِي الْمُحْسِنِينَ﴾ ﴿٤٤﴾ ﴿وَلَّيْلُ يَوْمَئِذٍ﴾
﴿الْمُكَذِّبِينَ﴾ ﴿٤٥﴾

â€œ**(41)**-Dhugumatti, Muttaqoonni gaaddisootaa fi burqaawwan keessa taâ€™TMu. **(42)**-Wanta fedhan irraa fuduraalee [keessa taâ€™TMu]. **(43)**-â€œSababa waan dalaga turtaniitif gammachuun nyaadhaa dhugaa.â€• [jedhamu]. **(44)**-Dhugumatti, Nuti akka kanatti toltu hojjattoota mindeessina. **(45)**-Guyyaa san kijibsiiftotaaf ee badii isaanii!â€• Suuratu Al-Mursalaat 77:41-45

â€œDhugumatti, Muttaqoonni gaaddisootaa fi burqaawwan keessa taâ€™TMu.â€•

Muttaqoota jechuun namoota dhugaan Rabbii fi odeefannoo Isarraa dhufetti amanan, hojii gaggaarii itti ajajaman hojjatanii fi hojii irraa dhoowwaman dhiisaniidha. Kanaafu ibsi aayah: dhugumatti namoonni addunyaa keessatti dirqamoota Islaamaa hojjachuu fi badii irraa fagaachuun adabbii Rabbii irraa of eegan, gaaddisoota qabbanaa keessa taâ€™TMu. Azaan hooâ€™TMaa fi qorraa isaan hin tuqu. Fuggisoo kanaa, namoonni Rabbitti kafaran, gaaddisaa aaraa qabbana hin qabnee fi laboobaa ibiddaa irraa nama hin eegne keessa taâ€™TMu.[\[4\]](#)

Asitti â€œGaaddisootaaâ€• jechuun jecha hedduminna agarsiisutti fayyadame. Sababni isaas, Jannata keessa gaaddisa baayâ€™TMmeetu jira. Gaaddisa mukkeenii, gaaddisa gamoowwanii fi kan biroo. Kanaafu, warri Jannataa gaaddisa qabbanaa keessa jiraatu. Qurâ€™TMaana keessatti:



â€œIsaanii fi niitiwwan isaanii gaaddisa keessatti sireewwan irratti hirkatu.â€• Suuratu Yaasin 36:56

Warri Jannataa fi niitiwwan isaanii gaaddisa jalatti sireewwan garmalee faayaman irratti tasgabbiin hirkatu. Kuni tola akkami! Qananii akkam namatti tolu!

Ammas qananiin kanarratti hin dhaabbatu, â€œburqaawwan keessa taâ€™uâ€• Jannata keessa burqaawwan laggeen gosa garagaraa irraa dhangalaâ€™antu jira. Jannata keessa burqaawwan, â€œTasniim, Salsabiilâ€• jedhamantu jiru. Muttaqoonni burqaawwan kanniin irraa dhangalaâ€™aa isaanitti toluu fi garmalee miâ€™aawu dhugu. Qabbanaa fi dhugaati argachuun qananii keessa taâ€™anii jiru. Nyaanni isaanii hoo yoo maal taâ€™e qananiin isaaniif guuttamtii? â€œWanta fedhan irraa fuduraalee [keessa taâ€™u].â€• Kana jechuun Jannata keessatti wanta fedhan keessaa tokko fuduraalee fedhan nyaachudha. Fuduraalee jechuun firaafiree akka muuzi, burtukaana, teemira fi kkf.

â€œWanta fedhan irraaâ€• kana jechuun wanta guutuu fedhan keessaa tokko fuduraalee kanaan Jannata keessatti qananiâ€™uudha. Kuni Jannata keessa wantoonni barbaadaman baayâ€™een lakkoofsi isaanii hin daangefamne akka jiru agarsiisa.[\[5\]](#)

â€œSababa waan dalaga turtaniitif gammachuun nyaadhaa dhugaa.â€• [jedhamu]. Kana jechuun, addunyaa irratti iimaana irratti hundaaâ€™u fi jaalala Gooftaa keessanii barbaaduun sababa hojii gaggaarii hojjattaniif, fuduraalee kanniin irraa wanta feetan nyaadhaa, burqaawwan kanniin irraas wanta isinitti miâ€™aayee dhugaa. Hayyama guutuun nyaadhaa dhugaa, dhoowwaa fi hudhamuun hin jiru.[\[6\]](#) Nyaataa fi dhugaati kana keessa wanta namatti toluu fi miâ€™aawu malee wanti hadhaawaa fi nama jeequ hin jiru. Kanaafi, â€œgammachuun nyaadhaa dhugaaâ€• jedha.

Yaa nama qananii fi gammachuu guutuu barbaadu! Eessatti qananii fi gammachuu guutuu argatta ree? Addunyaan tuni iddoo qormaataa fi ifaajee waan taateef qananii fi gammachuu guutuu jeequmsa irraa bilisa taâ€™e hin argatan. Qananii fi gammachuun guutuun jeequmsaa fi gadda irraa bilisa taâ€™e Jannata qofa keessatti argama. Garuu kana argachuuf dhugaan amanuu fi hojii gaggaarii hojjachuu barbaachisa. Rabbiin subhaanahu wa taâ€™aalaa namoota amananii fi hojii gaggaarii hojjatan Jannataa fi qananii ishiitin isaan badhaasa. â€œDhugumatti, Nuti akka kanatti toltu hojjattoota mindeessina.â€• Mindeessu jechuun mindaa isaaniif kennuudha. Toltu hojjattoota jechuun warra ibaadaa isaanii bareechisanii fi sirnaan hojjatan, namootaafis tola oolaniidha. Sababa kijibsiisanii fi hojii gaarii qananii guddaa kanatti nama geessu hojjatu dhiisaniif yaa badii namoota mindaa fi qananii guddaa kana dhabanii! â€œGuyyaa san kijibsiiftotaaf ee badii isaanii!â€•

﴿كُلُوا وَتَمَتَّعُوا قَلِيلًا إِنَّكُمْ مُجْرِمُونَ﴾ (٤٦) وَيُلْ يَوْمَئِذٍ لِلْمُكَذِّبِينَ (٤٧)
 وَإِذَا قِيلَ لَهُمْ أَرْكَعُوا لَا يَرْكَعُونَ (٤٨) وَيُلْ يَوْمَئِذٍ لِلْمُكَذِّبِينَ (٤٩)
 فَبِأَيِّ حَدِيثٍ بَعْدَهُ يُؤْمِنُونَ﴾ (٥٠)

â€œ(46)-[Yaa warra kafare] nyaadhaa, xiqqoo qananiâ€™aa dhugumatti isin yakkamtoota. (47)-Guyyaa san kijibsiiftotaaf ee badii isaanii! (48)-Yommuu â€œRukuâ€™a buâ€™aaâ€™ isaaniin jedhamu, rukuâ€™a hin buâ€™an. (49)-Guyyaa san kijibsiiftotaaf ee badii isaanii! (50)-Isa booda dubbii kamitti amanuu?â€™ Suuratu Al-Mursalaat 77:46-50

â€œ[Yaa warra kafare] nyaadhaa, xiqqoo qananiâ€™aa dhugumatti isin yakkamtoota.â€™ Rabbiin subhaanahu wa taâ€™aala warroota kaafamu kijibsiisaniin ni jedha: jireenya addunyaa ganda qormaataa taate keessatti soorata Ani namootaaf dachii keessatti uume irraa nyaadhaa, dhugaati irraa wanta namootaaf taasise irraa dhugaa. Fedhii addunyaa, miâ€™aa ishii, bashannana, tapha, ishii baayâ€™ifachuu, ittiin of dhaadachuu fi faaya addunyaatiin qanani xiqqoo qananiâ€™aa. Qananiin kuni hammaa fi akkaataan baayâ€™ee xiqqaa kan taâ€™eedha. Sababni isaas, qananiin kuni yeroo gabaabaf tura, yoosu bada. Hammi isaas xiqqaadha.

â€œYommuu â€œRukuâ€™a buâ€™aaâ€™ isaaniin jedhamu, rukuâ€™a hin buâ€™an. Guyyaa san kijibsiiftotaaf ee badii isaanii! Isa booda dubbii kamitti amanuu?â€™

Rukuâ€™a jechuun akka lugaatti gadi jechuudha. Akka shariâ€™aatti immoo salaata keessatti erga dhaabbatanii booda harkaan jilba qabachuun gadi jechuudha.

â€œYommuu â€œRukuâ€™a buâ€™aaâ€™ isaaniin jedhamu, rukuâ€™a hin buâ€™an.â€™ As keessa of tuulinsa isaanii wanta agarsiisutu jira. Inumaa hanga Khaaliqa isaan uume, isaan nyaachisu fi obaasu, jireenya isaanii harkaa qabu irratti of tuulu gahan. Isaan fedhii lubbuu fi hawwii ofii hordofuu irraa of hin qusatan. Badii gurguddaa hojjatu. Inumaa, Gooftaa isaanii irratti boonu. Osoo fedhii garaa, saalaa, beekkamtii, tapha, miidhaginna addunyaatti rarraâ€™uu, dhaadannoo fi baayâ€™ifachuu jaallachuun isaan keessa jiraachu baateyyu, Gooftaa isaanitiif xiqqoollee taatu gadi hin jedhan. Sababni isaas, nafsee isaanii keessatti isaan of tuultotaa. Of tuulu fi boonun isaanii gowwummaa fokkuutti akka taran isaan taasise.[7] Boonu fi of tuulun isaanii Gooftaa isaanitiif akka gadi hin jenne isaan taasise.

Gabaabumatti, namoonni Guyyaa Qiyaamaa fi wanta Rabbiin irraa dhufe kijibsiisan kunniin yommuu â€œsalaataaâ€™ jedhaman, hin salaatan.[8]

Guyyaa Qiyaamaa akka sujuuda buâ€™aniif yommuu ajajaman, sujuuda buâ€™uu hin dandaâ€™an. Dugdi isaanii akka xawlaa gogee hafa. Qurâ€™aana keessatti ni jedha:

﴿يَوْمَ يُكْشَفُ عَنْ سَاقٍ وَيُدْعَوْنَ إِلَى السُّجُودِ فَلَا يَسْتَطِيعُونَ﴾
 خَشِيعَةً أَبْصَرُهُمْ تَرَهِقُهُمْ ذِلَّةٌ وَقَدْ كَانُوا يُدْعَوْنَ إِلَى السُّجُودِ وَهُمْ
 سَلِيمُونَ ﴿٤٣﴾

â€œGuyyaa mogolee irraa saaqamuu fi gara sujuudaa waamamanii isaan sujuudu hin dandeenye [yaadadhu]. Ijji isaanii sodaattu taate xiqqeenyis isaan haguuga. Osoo fayyaa qabanuu gara sujuudaatti waamamaa turan.â€• Suuratu Al-Qalam 68:42-43

Guyyaa Qiyaamaa yommuu jeequmsi, sochii fi haalli garmalee cimaan saaqame, Rabbiin subhaanahu wa taâ€™TMaalaa uumamtoota jidduutti murteessuf dhufe, Isaaf akka sujuudan ni waamamu.

Muâ€™TMmintonni (warri amanan) Rabbiif addunyaa keessatti filannoo fi fedhiin sujuudaa turan, Guyyaa kana ni sujuudu. Garuu munaafiqonni fi kaafirran sujuuduf ni tattaafatu, haa taâ€™TMu malee sujuudu hin dandaâ€™TMan. Dugdi isaanii akka gaafa horii gogee hafa. Gadi jechuu hin dandaâ€™TMan. â€œIjji isaanii sodaattu taate xiqqeenyis isaan haguuga.â€• Kana jechuun sababa isaan addunyaa keessatti badii gurguddaa hojjatanii fi of tuulaniif Guyyaa Qiyaamaa ijji isaanii sodaattu taati. Salphinni isaan haguuga. Faallaa wanta isaan irra turaniitin adabaman. Osoo fayyaa qabanuu yommuu addunyaa irratti gara sujuudaa waamaman, ni didan. Haaluma kanaan, Aakhiratti yommuu Rabbiin azza wa jalla ifatti bahee muâ€™TMmintonni sujuudan, isaan immoo sujuuda dadhabuun adabamu.[9] Akkuma isaan addunyaa irratti of tuulanii fi of guddisan, Aakhiratti salphinni fi xiqqeenyi isaan haguuga.

Akkuma hubatamu, wanti sujuuda kanarraa barbaadame, warra dhugaan amananii fi munaafiqota addaan baasufi. Warroonni amanan (muâ€™TMmintonni) gama mirgaa adeemsi isaa gara Jannataa taâ€™TMe akka fudhatamaniif, munaafiqonnis gama bitaa adeemsi isaa gara ibiddaa taâ€™TMe akka oofamaniif, sujuuda kanaan addaan baafamu.[10]

Kana keessa nama salaata dhiisu fi na argaaf salaatu akeekachiisa cimaatu jira. Kanaafu, nama Guyyaa garmalee cimaa kanatti amanuu dide, hojii gaarii dirqamaa Rabbiin itti ajaje hojjachuu didee fi hojii badaa hojjachuu itti fufeef akeekachisni taâ€™TMu â€œGuyyaa san kijibsiiftotaaf ee badii isaanii!â€•

â€œIsa booda dubbii kamitti amanuu?â€• Kana jechuun Qurâ€™TMaana kanatti yoo hin amananiin, dubbii fi kitaaba kamitti amanuu? Qurâ€™TMaanni kuni ragaaleen, murtiwwanii fi odeeffannoon isaa hundi ifa. Jechoonni isaas ifa namaaf galaniidha.

Alhamdulillah Rabbiil aalamiin, ibsi suuratu Al-Mursalaat asirratti xumurame jira.

Kitaabban wabii:

[1] Tafsiiru Saâ€™TMdii-1067

[2] Tafsiiru Qurxubii-21/513

[3] Tafsiiru Muyassar-581

[4] Tafsiiru Xabarii-23/611

-
- [\[5\]](#) Maâ€™aariju tafakkuri wa daqaa’i qu tadabburi-2/606
 - [\[6\]](#) Madda olii
 - [\[7\]](#) Maâ€™aariju tafakkuri-2/609-614
 - [\[8\]](#) Tafsiiru Qurxubii-21/516-517
 - [\[9\]](#) Tafsiiru saâ€™dii-1039, Tafsiiru ibn Kasiir 7/353
 - [\[10\]](#) Maâ€™aariju tafakkuri-1/255

Date Created

December 9, 2019

Author

admin